

মুক্ত-মনা

ফতেমোল্লা

আয়রে তোরা মুক্ত-মনা, বন্যা বেগে আয় ছুটে
মুক্তি-পাগল অগ্নি-কণা, ঝন্ঝা মেঘে আয় জুটে।

আকাশ এবার উঠবে রেঙে, চতুর্দিকে উঠবে ঝড়,
ভয়ংকরের বিরুদ্ধে তুই আয়রে মহা-ভয়ংকর।

ইস্রাফিলের শিংগা কেড়ে ঘোর-দীপকের খাণ্ডবে
সূর্য-চন্দ্র আছড়ে ভেঙ্গে উন্মাদ তোর তাণ্ডবে,
আকাশ টেনে নামিয়ে নিচে, পাতাল হেনে বৃন্তে তোর,
সপ্ত-সাগর মস্থনে ঝড় উঠবে প্রলয় নৃত্যে তোর।
স্বর্গ করবি লণ্ড-ভণ্ড, নরক ধরে মারবি টান,
সৃষ্টিছাড়া অগ্নিগিরির বিস্ফোরণের ধরবি গান।
আল-বদরের স্বর্গরাজ্য ছিন্ন-ভিন্ন করবি তুই,
এ কালনাগের বিষের ছোবল, জাপটে কঠিন ধরবি তুই।
ধর্ম নামের অধর্ম তোর সর্বনাশা সংগীতে,
ত্রস্তে কাঁপুক ইংগিতে তোর সর্বগ্রাসী ভংগিতে।

শতাব্দীর ওই অন্ধ কারার বন্ধ-দ্বারের ভ্রান্তি জাল,
দিক্‌বলয়ের প্রান্তে লেখা দিন বদলের ত্রান্তি কাল।

(বর্ণসফট ২০০০-এ লিখিত)